

德平縣志卷之十

祥異志

易言餘慶餘殃書誌庶徵休咎春秋星隕日食石言神降諸事造化徵機蒼穹示兆昭昭不爽自古有之子不語怪謂讖緯術數如曲學之拘牽也畏天之威于時保之司土者詎可忽諸茲所載大端與鄰境同而特詳本邑其奇聞異見瑣事微言以及仙釋方伎有先見者例得附記博物君子不廢也作祥異志

災祥

晉

德平縣志

卷十

祥異

一

天成謙記南紙店代印
濟南城內芙蓉街路西

咸甯五年白麟見於平原鬲縣

晉書

劉宋

嘉元二年秋篤馬河決漂沒田廬

碑記

大明四年六月乙卯白燕見於平原平昌縣刺史劉道隆以獻

宋書

唐

天寶二年德州平昌大水

濟郡災異記

元

大德元年大水

六年蝗

至正六年二月地震壞民居室凡震七日而止

七年地震有聲如雷

十八年毛貴兵掠縣境五月地震

十九年旱蝗大饑餓孳盈野

二十年大疫民死十之六村堡為墟

明

武洪 二十二年旱無禾

二十六年懷仁鄉麥雙岐

樂永 七年夏蝗

八年芝生學宮

德宣 二年秋霖雨害稼

德平縣志

卷十

祥異

一一

天成謙記南紙店代印
濟南城內芙蓉街路西

正統 十年三月大風拔木

景泰 元年大歉

七年大水

天順 元年大水饑人相食

成化 九年大雨踰月平地水深數尺沈竈產蛙是年先蝗後水民

茹草木

十年大有斗麥錢七文

二十年三月地震

宏治 五年民流移就食

七年大有斗粟錢十文

十一年八月城壕水潮溢經旬乃止

正德二年秋雨雹尺餘冬大雪丈餘

四年螟歲饑

五年夏大旱冬雨雹大如拳

七年三月黑眚見

十年桃李冬花復結實

十一年春夏不雨

十二年秋霖害稼

嘉靖六年蝗

七年螟蝗大饑

德平縣志

卷十

祥異

三

天成謙記南紙店代印
濟南城內芙蓉街路西

二十二年篤馬河決平地水深數尺行舟

二十七年蝗蝻生

隆慶五年五月十二日雨雹尺餘麥禾傷林木損鳥鵲死者無算

萬曆十九年蝗

二十年大水

二十七年旱螟無禾麥道殫相望

二十九年旱

三十年大旱麥苗枯死

三十二年大水

三十三年蝗

三十四年蝗

三十七年正月龍泉寺前積水湧溢冰浮水面逾時水落而冰不解

三十八年大水入城城幾崩

四十三年大旱

四十四年大饑人相食發帑金三十萬倉米二十萬賑之

天啓二年正月二十一日地震

三年三月大風揚沙晝晦

四年二月三十日地震

崇禎十年十二月日赤如血照地成紫色

德平縣志

卷十

祥異

四

天成謙記南紙店代印
濟南城內芙蓉街路西

十一年二月城西丁家莊雨赤雪日出化爲血水十二月兵亂殺掠四野一空

十三年大旱人食草木至有骨肉相食者

十六年除夕疾雷暴雨

十七年正月元旦紅霞滿天

國朝

順治九年大水

康熙三年四月隕霜殺麥

四年夏旱蠲糧銀發德州倉米一千五百二十九石賑之

六年桃李冬華

七年六月十七日地震

九年旱發臨清倉米二百六十石常平穀二百六十餘石賑之

十八年螟七月二十八日地震

二十五年旱蝗

三十年旱蝗

三十一年有麥雙歧穀三穗以上鍾志

三十二年大疫秋八月蝗

三十三年四月大雨雹烈風拔木

四十二年大水賑饑

德平縣志

卷十

祥異

五

四十三年春大疫五月十八日黑風拔木飄屋瓦

四十七年螟大饑

五十八年大水給賑

五十九年六月初八日地震秋大旱

六十一年秋大旱螟

正 元年春旱四月初七日黑風揚沙晝晦至五月始雨發帑金

賑之

三年春旱無麥六月大水無秋

四年五月十六日雨雹大風拔木秋大水

五年春旱至六月始雨

六年秋水傷稼

八年秋大水八月十九日地震十月給賑

九年四月望後日月色赤凡七晝夜

十年八月十五日隕霜

十一年螟害稼

隆乾二年春旱至六月十三日大雨十七日又大雨秋大水發倉

穀賑饑

八年大旱給賑

九年大旱賑饑 以上十九條據般上舊聞補人

十二年大水賑饑

德平縣志

卷十

祥異

六

天成謙記南紙店代印
濟南城內芙蓉街路西

十四年八月桃李華

二十一年大水賑饑

二十三年蝗

二十七年大水賑饑

三十一年大雨河決田家堰賑饑

三十五年蝗不為災有秋

三十六年大水賑饑

三十八年雨一犁有麥有秋

四十年大有秋

四十一年蝗有秋

四十四年六月水

四十九年大有秋

五十一年大荒邑較有收饑民多來就食者

五十四年八月霖雨有秋

五十五年秋雨上流河決橫水自臨邑入於南鬲津河水注

於北遂大澇發帑金二萬七千二百餘兩撥章邱及本邑

截留漕米七千九百餘石賑之

五十八年五月始雨有蟲尙不爲災

五十九年三月初四日疾風蕩塵蒙蔽天日半日乃止十二

月二十三日大雪數日平地尺以上鍾志

德平縣志

卷十

祥異

七

天成謙記南紙店代印

濟南城內芙蓉街路西

嘉慶九年有秋

二十四年十二月大雪深數尺

道光元年大疫秋大水

二年秋大水

四年螟

八年大水

十二年旱七月初一日隕霜傷稼

二十年六月大水

二十四年旱

二十五年旱六月乃雨

二十七年大水

二十八年八月十五日大雨雹

三十年大水

豐咸元年大水

二年正月二十四日黃霧四塞晝晦

四年秋大水狂風磨穀

五年三月雨雹傷麥

七年螟有秋

八年蝗蝻

治同元年大疫

德平縣志

卷十

祥異

八

天成謙記南紙店代印
濟南城內芙蓉街路西

二年九月初二日流賊竄至城西賈家莊民多被掠

四年正月十三日雷電大雨雪

七年四月捻逆入境至七月平

九年五月十七日風雹七月雨七日

光緒二年旱秋七月蟲傷禾稼

三年春旱至閏五月始雨

五年三月日照地成赤色十餘日乃止四月十二日水哮溢

涯是年秋大水

七年秋大水

八年秋大水

十二年蝗

十三年涵洞水溢

十四年五月初四日地震初五日復震

十六年鬲津河溢六月二十二日田家堰潰決數丈被災者

百有餘村

十七年螟傷秋稼

十八年蝗蝻有秋

異聞

明崇儼以奇技自名高宗召見甚悅擢冀王府文學試爲窟室使宮人奏樂其中召崇儼問何祥爲我止之崇儼書桃木爲

德平縣志

卷十

祥異

九

天成謙記南紙店代印

濟南城內芙蓉街路西

符二刺室上樂即止曰向見怪龍怖而止盛夏帝思雪崇儼坐頃取以進自云往陰山取之四月帝憶爪崇儼索百錢須臾以爪獻曰得之緱氏老人圃中帝召老人問故曰埋一爪失之土中得百錢累遷正諫大夫爲武后作厭勝事又言章懷太子不德儀鳳四年爲盜刺於東都好夢者言崇儼役鬼勞苦爲鬼所殺

新唐書

長魁鄉民張姓者耕於野地陷因發之深八十餘步得磚穴中有朱漆棺色如新旁有磁瓶水滿其中棺下有石狀似鏡上刻篆文張知其異持石出復掩之或辨其文曰厥土維昌厥歲維羊龍蛇伏藏退還其鄉署後永初元年蓋東漢安帝時

所葬又基山鄉民發塚得黃金馬鐙諸物爭訟於官邑宰鄭材爲治其罪更以禮葬之

文獻彙略○故般城之東有故塚康熙五十年土人私掘之得巨磚

巨碗花瓶皆古制里保以告時知縣朱謨治土人以法爲文以祭之

正德十六年冬十月朔日平涼唐臣來知德平縣事先是賊盜竊發闔境內外百數十名知縣龔諒敵死殺兵快數十名而邑城外民不敢行貿易者悉懼其害村落間夜無甯息臣視篆之明年冬盜臨城郭劫民貲叫救之聲達於官署旣而詣廟焚祝曰臣奉上命來爲民牧不能爲民除害奈何臣人也凡劣無似不如神之聰明正直尙爲我示以弭盜之方是夜夢神云羊失宜覓諸羣臣覺而悟之明日令里老報窩主二

德平縣志

卷十

祥異

一〇

天成謙記南紙店代印

濟南城內芙蓉街路西

十餘家各指賊處不旬日而捕獲四十餘名殺前令者授首有賊潛於東堂親識樓上遠眺忽伴狂風言唐公來追尋自下樓手刃死由是夜且無復警報民皆安妥宜豐鄉民某妻姪三年不產苦痛旬餘某來稟說臣令具狀處斷因申牒神明三日後產一怪物巨齒雙角者尋死復產一男子身者今存嘉靖二年十二月二十二日祈雪焚牒臣拜手見前一人執牌朱書二十五日降雪具言師生等俱弗深信旣如期大雪深尺餘又明年旱三閱月不雨投牒請祈旬日不應夜夢神云牒未轉天庭字多差譌何敢施行凡此大事須親製寫可表敬謹委吏書寫不通文義是多差譌久不靈應爲是故

耳臣覽牒文果差二十餘字謹自改寫焚訖是日雨隨注歲
乃大稔次年赴南郭蘭上舍席酒酣請題山水圖臣援筆而
賦之曰青山山外白雲飛何處仙人醉後歸小小樓臺臨水
麓亭亭松檜傍庭闌明時有酒夜當酌常日無人晝掩扉五
湖烟景年年在不識人間有是非臣自以爲得意作也是夜
夢至一所同二達官坐其一揖臣云昨在蘭某家題詠妙也
只一字未善言之可乎臣曰願聞曰明時者太平之盛時也
物阜民安官吏不擾衡茅之下雖白日飲啜幾杯亦復何害
何事有夜當酌之句且當之一字有滯某欲改明時有酒夜
還酌不亦善乎臣遂心服其義因問公何官也曰德平令臣

德平縣志

卷十

祥異

一一

天成謙配南紙店代印
濟城內芙蓉街路西

曰德平安得有二令公得非城隍耶曰然臣起跪謝曰臣以
不肖辱在案下數年凡今風雨時若盜賊屏息士民樂業皆
賴神明之賜乃拜首至地曰先生志操向上奈何其不助佑

耶既而寤覺恍然久之

唐臣城隍
靈應記

葛引生與靳宜人俱以中年即世未遑留像冢君尙寶昕求善
貌人者寫之久而弗就萬歷乙未冬或薦異士孔劔峯來云
能降大羅仙寫人世亡形克肖昕亟歎之與謀舉事會沍寒
辭去約以仲春如期果至至則治齋潔壇陳筆設色張楮淨
几聽昕拜祝訖扁門而出越六日劔峯拜咒重門外昕啓戶
入視見壇座旁移醮筆橫閣兩眞容儼然成圖矣面貌殊寫

衣冠間紅黃色一用誥贈級象服上題句云灝氣空濛滿十洲乘春聊作采眞遊霜毫慰爾終天恨燭影當年事莫求後署純陽子時題听諦視良久不覺涕洟伏几下劔峯趣之起呼筆拂勒謂遲則仙蹟漫滅也于是隨鈎隨隱僅及於就捧付畫士臨摹裝奉厚酬劔峯曰吾今後乃復見我兩先人面貌也劔峯名承禮字立之以闕里派寄居金陵左市云

彙略

葛太史曦以萬歷壬辰歿於京邸閱十月歸葬時內鄉諸生張文耀者夜過其邑城隍祠觀隸人百數導迎二達官盛服前來貌豐而黝張屏氣竊視壁上教條朱墨淋漓有葛字較然可指詰諸從者曰新城隍光洩斯邑試詢姓氏曰葛姓曦名

德平縣志

卷十

祥異

一一一

天成謙記南紙店代印
濟南城內芙蓉街路西

山東產也張懼取他道去比旦以語人由是喧傳其事曦子遺舊僕至內鄉拜奠黃冠以張所見質之曰眞吾主人也邑乃奔走致祝無虛日

同上

花王莊民陳常者家貧種瓜以養母瓜熟乃構草舍於側與母遞守望一日母紡績其中常入城暴雨驟至迅雷風烈常惴懼謂母獨在瓜舍也雨止往探之則瓜舍虛無人矣常竟夜尋覓不獲蹤跡比日逢一人云在董家寨見老媪死墻壕趨視果母也乃掖之出撫其體殊暖亟負歸取湯飲之氣漸回良久而蘇鄰嫗羣來問故母曰昨大雨傾注獨坐甚恐忽仰見雲中一雉冒雨飛下大如笠五采陸離遶瓜舍前大柳回

翔十餘匝集樹上啄其榦銜一小蛇飛起摔之蛇頓長再摔之長數尺連摔之火光燭天阡陌草木紅紫萬狀自是不復記憶不知此身何以至董氏墻壕也衆駭異久之知爲雷所攝母臥浹旬竟無恙卒以壽終

同上○按雲中飛雉當是雷神樹中小蛇當是伏龍

懷仁寺僧覺圓者杜村人名臻時呼瘋顛和尚崇禎甲戌二月自言十九日子時當於廟西灣圓寂至期三昧火發化未及成適有婦人汲水從旁窺之火遽熄臻遂作椎心跌足之狀里中人推之不僵奉龕祀其中數歲後面身如漆如鐵如生坐遠近傳稱活佛且爲立廟時面東向遂名其廟爲朝陽洞云

德平縣志

卷十

祥異

一三

天成謙記南紙店代印
濟南城內芙蓉街路西

順治中有耕牛產一犢六蹄二尾行則中二蹄空懸母牛亦怪其不類棄不乳數日死時觀者甚衆

張其素好爲善嘗置一義牛俾無力者不廢耕一日有人來牽牛甫出門見其素牛雙膝跪地諭以義始俯首去

城北王氏兄弟三人共掘一井登以葦盤汲水灌園蔬越歲崩壞謀取盤以代薪偕村人往井上懸轆轤下取盤甲甫及水即舉手作格鬪狀若相搏者頃之死井中衆大駭乙急入救之去水尺餘亦顛仆死井底衆駭甚無敢入者丙曰我不入兩兄何以出衆繫我入井第聽我呼聲速出之可也丙繫而入入未半即急呼救衆拽之出已昏絕矣城南宮氏子素以

膽力自負適相值踊躍入井取王屍格鬪顛仆死水面與甲乙不殊也衆大懼計無所出或教之縛鈎竿上出三屍暨丙屍至深夜丙忽避衆叩其故曰初入見火光滿井中一人藍面綠衣舉手來捽幸出之速得免死耳竟無恙乃葬兩兄而歸宮氏子屍村人取土實其井時康熙辛未二月也

文獻彙略

雜記

高縣五姓失諱字漢建武中共逐守長據城自守時大司馬舞陽侯吳漢擊破五校賊於臨平追至東郡箕山大破之軍薄高縣諸將欲進其漢不許曰五姓知大義與群賊異其致之叛者守長罪也乃移檄告郡使收守長而令人謝五姓五姓

德平縣志

卷十

祥異

一四

天成謙記南紙店代印
濟南城內芙蓉街路西

喜曰敢不歸義乃相率出降

後漢書

初平二年公孫瓚破黃巾於槃河

同上○槃河卽般河在縣境

管辰平原人處士輅之弟仕魏爲州主簿歷官部從事流寓高縣輅嘗過其家與論天文風角之學輅沒辰作傳追敘之

管輅

別傳

劉長仁爲安德令聞平原管輅通鳥語與之辯不信會輅至劉署有鳴鵲來閣上聲甚急輅曰鵲言東北有婦殺其夫牽引西家人離婁侯不過日在虞淵之際告者至矣已果有東北鄉人來告鄰婦手殺其夫詐言西家人與夫有嫌來殺我婿於是長仁始服其術

同上

袁毅爲兩令貪濁賄遺公卿以求聲譽雖清約如山濤亦遺以絲百斤濤不敢違收藏於閣逮毅被收究引朝臣之交通者濤取絲付吏封印宛然惟鄭默兄弟以潔慎不染朝廷重之

晉書

交州刺史房法乘於昇明中爲左中郎將性方簡身長八尺三寸行出人上常自俯屈而青州刺史明慶符亦長與法乘等

朝廷身長者惟此二人

南齊書

平昌公主明皇第十二女也始封平昌改封宋國

唐書

刑部李尙書遜爲浙東觀察使有前諸暨尉包君者秩滿居縣界土豪獻果妻偶食之病知中蠱毒詣彼求乞土豪恐事露

德平縣志

卷十

祥異

一五

天成謙記南紙店代印
濟南城內芙蓉街路西

困辱之竟殞反以包君倚恃前資檀至百姓莊攪擾訴李公決臂杖十數淮南無不稱其冤抑時平昌孟尙書簡任常州刺史具熟其事明年代李公乃先以帖令錄此土豪一門數十口到纔數日李尙未發盡令斃於州獄厚以貲幣贈包君聞者稱快

太平廣記

明建文四年靖難兵至經宿而北

采風記○李根日相傳十世前有花子軍之難遇即死存

者十無二三故本邑類皆遷自外者壽光最多以時考之當在靖難兵過時乃云經宿而北是又秋毫無犯也可疑

穆廟上賓中貴馮保有異意江陵與焉惟慮端肅與忤爲之置

宴言令以微語諷之馮曰一枝紅杏出墻來裏邊愛外邊亦

愛張曰杖藜扶我過橋東你仗賴我也仗賴端肅曰滿地榆

錢不濟貧你使不得我也使不得知不可強意乃寢

方村筆談

丈地係四尺步弓德平原額地七千四百九十一頃二十八畝一分明萬歷九年用三尺三寸步弓竟報至一萬零八百七十二頃二十九畝有奇率署爲中縣時坐飛差葛尙寶听懇守道鍾行縣清復原額越歲倭警以田多少定州縣大小酌派兵餉獨獲免鍾諱昌字礪山廣東東莞人 文獻彙略

明萬歷中鹽運司發票二百八十八招人認買額派二百五十引令鄉民每丁買鹽三斤十二兩用銀二分至本朝康熙六年發票一千七百七十三增引二百有五每丁買鹽九斤四兩用銀八分五釐七年禁止引鹽不得派散人丁與票鹽

德平縣志

卷十

詳異

一六

天成謙記南紙店代印

濟南城內芙蓉街路西

一例招商自賣 同上

明嘉靖中新編上馬三匹站地二百四十頃內除鋪陳十二頃

驢十二頭站地三百頃內除鋪陳四頃

馬驢俱有正副十戶輪流每戶一年

安德水驛起淺夫五十名站地一千頃內除鋪陳二項萬歷後俱派徵條鞭內應用 國朝康熙十五年奉文協濟泰安

驛知縣沈志達捐買臄壯補送歸槽其淺夫銀兩申 題豁

免又嘉靖初額定孳生兒騾馬三百七十四匹內兒馬七十四匹騾馬一百九十六匹一兒四騾爲一槽十槽爲一羣羣必有長歲僉五丁牧一兒十丁牧一騾擇上戶爲馬頭至俵解大馬則論戶論丁出銀買馬每匹官價銀二十二兩草料盤

費銀八兩春秋兩季解馬七十八匹後將額定馬盡行變賣
止編本色折色馬七十八匹本色馬每匹徵銀三十兩折色
馬每匹徵銀二十四兩外徵買倭種馬草料銀三百兩

國初裁革 同上

明正德六年流寇倡亂編快手民壯若干半赴武定共備道團
操半駐本縣以防不虞於時頒定城守兵器鐵盔二十五鐵
甲二十五大炮八中炮八三眼銃三十六大刀八腰刀三十小
刀五十標鎗四十長鎗二十弓四十矢一千後俱廢毀

趙志按

今存馬步兵共十七名兵器弓八腰刀十七鳥鎗九杆乾隆
三十年巡撫崔奏請額設民壯二十四名學習鳥鎗隨營操
演現存鳥鎗二十四杆
號旗五衣帽以時製

德平縣志

卷十

祥異

一七

天成謙記南紙店代印
濟南城內芙蓉街路西

順治五年土寇數千大掠糜鎮邑人洵懼知縣吳盛祖善馬上
雙刀率城守民共二百名禦之戰於街東賊矢射吳冠纓落
地有宜豐鄉民劉姓者以長鎗奮擊宮共競進殺賊數百餘
皆逃竄人心始固

凡婦人詬諱其婢者輒曰王花按金崔立陵州人僭竊淫暴自
稱鄭王稱其妻王花兒為王妃後立為李伯淵所殺以王花
兒賜帳下士德平與陵州接壤故里俗相傳至今為口實
縣送學舊有公晏銀二十四兩知縣李纍珠永除此項以資新
生膏火君子趨之

雍正四年知縣袁舜裔署任歷城有一女而許三姓者具控本

縣袁至女家微訪之得其情曰吾即令也其父乞哀教之云云比庭鞠三姓並造而女已死矣其父以葦薄束之昇至堂上曰某罪應死以貧故許三姓此女羞夜自盡將奈何袁喝令初許家領屍歸葬固辭其兩家亦然以刑脅之初許家不得已乃領屍解束則活女子也已盛服若婚娶狀袁即具肩輿送夫家聞者咸服其才

邑西南十五里有田家古堰一道不能詳所自始其東田廬城郭在焉實資捍禦雍正十一年秋雨過多河流漫溢越堤而東直灌基山等里堰幾不保耆民王朝紳等急請搶修令尉晝夜督率不時告竣有好事者反謂窪水之壅積由於舊堰之不開訐訟督撫兩院委員勘覆古堤關係緊要奉批即着具呈人等趁此農隙速將窪西堤岸協力增高培厚以防防水患仍飭東西勒石各保堤堰不許再有紛爭今碑尚存

乾隆十年檄開鈎盤古河洩上游諸水知縣吳光盼以多係膏壤故道無考詳止民甚德之

前志正德七年官地十一頃七十五畝一分徵麥一百一十八石三斗四合零米二百七十六石四升零民地三千七百六十五頃九十三畝八分一釐徵麥六千四十四石三斗三升零米一萬四千一百三石四斗三升七合零馬草二萬六千三百八十八束農桑絲四百一十五斤八兩折絹三百三十

二疋二丈零地畝花絨二百一十三斤九兩折絹一百七十疋二丈零嘉靖二十二年知縣楊自効均地定派無官民之名萬歷三十一年三等地一例派徵麥一千五百一十石六斗三升四合零米六千三百九十一石二斗八升一合稅糧折色并絲綿農桑草鈔共徵銀一萬八百六十兩二錢五分九釐零里甲驛傳鹽鈔馬價等項共徵銀六千四百五十一兩四錢六分四釐零銀差徵銀四千二百七十五兩八錢三分五釐力差徵銀九百九十兩七錢四分九釐通共徵銀二萬二千五百七十八兩三錢七釐零崇禎十一年添派銀七千一百三十七兩六錢九分八釐零 本朝輕徭薄賦民安

德平縣志

卷十

祥異

一九

天成謙記南紙店代印
濟南城內芙蓉街路西

其業明定加耗設有養廉實公私稱便 以上鍾志

乾隆中邑民掘得銅像高尺餘天旱禱之輒雨屢祈屢應歲乙巳丙午大旱長撫軍致之歷下神效如前爲立廟於芙蓉泉


右名曰水官祠 般上舊聞

咸豐七年春雨澤愆期知縣何元熙設壇虔禱立沛甘霖其法按先天卍字壇式先期用水缸八各貯清水中插楊柳枝缸外粉書乾坎艮震巽離坤兌各一字按先天方位乾一兌二離三震四巽五坎六艮七坤八列於壇中至期各官神前拈香畢用僧五人一披絳衣左捧水碗右執楊柳枝洒水念南無阿彌陀佛餘僧吹笙笛相隨由震入左旋遶一匝轉至離

由離遶一匝直穿坎由坎遶一匝轉至巽由巽遶一匝從外
 遶至兌由兌遶一匝轉至乾由乾遶一匝直穿坤由坤遶一
 匝轉至艮由艮遶一匝從外遶至巽由巽遶一匝轉至坎由
 坎遶一匝直穿離由離遶一匝轉至震由震遶一匝外遶至
 艮由艮遶一匝轉至坤由坤遶一匝直穿乾遶乾遶一匝轉
 至兌由兌遶一匝外遶至震畢再由震入如前儀遶壇三次
 畢至香案前主僧跪餘四僧分左右立敲木魚擊鐘鼓誦九
 宮誦言一句一擊至一九通通通以下則一字一擊誦畢主
 僧叩首一出位遶壇如前如是者三共計遶壇九次誦經三
 次每日早晚各如其是其遶壇捷訣則東東西西南南北北西
 德平縣志 卷十 祥異 二〇

天成謙記南紙店代印
 濟南城內芙蓉街路西

西東東北北南南耳



南四無上阿尺彌工陀尺上佛四

若僧人不全改用道士儀如前
 惟遶壇則歌鼓之以雷霆數語

鼓上之尺以工雷五六兮五霆五

六兮五潤四之合以四風四合雨

四潤四之合以四風四合雨四

九宮誦言

河圖分五位 洛書曰十方 八方皆合十 中宮妙蘊藏
 天地自此闢 五行自此彰 坎離自此顯 乾坤自此藏
 自此雷霆鼓 自此風雨揚 自此運寒暑 自此通陰陽

至哉坤元 大哉乾元 坎離交媾 天地網緼 東方虛空 南方虛空 西方虛空 北方虛空 四維虛空 上下虛空 非虛非空 十方雍雍 天地之中 陰陽之宗 杳渺鴻濛 闔闢變通 一九通通通 四六通通通 三七通通通 二八通通通 太極運神功 卍字在前胸 卍字在前胸 盤旋妙不窮

此法臨川紀慎齋刺史宰四川嘗用之今略爲變通以先天爲體後天爲用歌以宣之舞以舒之笙笛以諧之鐘鼓以動之庶幾陰陽和而雨澤降然其要總在主祭者先期潔齊親撰祭文夜宿壇場虔申默禱以一誠相感召焉耳

以上咸豐十一年邑

德平縣志

卷十

祥異

二二

天成謙記南紙店代印 濟南城內芙蓉街路西

令何續志

王半仙逸其名幼學道術操作無異常人久之稍稍厭人事隱於邑之基山嘗鼻息吹塵成穴日中跌坐頂露金光有疾者聆其清談輒沈疴若失若叩其術但云吐納採鍊雖有口訣其實靜能生悟無他謬巧也後不知所終

補遺

漢建信侯婁敬墓在縣東南二十里墓前有祠後周顯德中建

通志 州西三十五里若在德平今無據考姑並存之

明僧紹劉宋時舉秀才明經累徵不就齊高帝建元元年徵爲正員外郎以疾辭隨弟慶符居弁榆山後歸金陵居攝山終

不見高帝帝謂慶符曰卿兄高尙其事亦堯之外臣朕雖不相接有時通夢一日僧紹聞沙門僧釋遠風德往候定林寺高帝欲出寺見之釋遠謂之曰天子若來居士若爲相對曰山林之人政當鑿坏以遁若辭不獲命便依戴公故事耳

南齊

書高逸傳

明崇儼列唐方伎傳第五趙州盧參軍妻五月五日暴卒疑有鬼物崇之往見崇儼崇儼默然久之曰是泰山三郎所爲也爲書三符盧如法焚之妻果甦

撫異編

明崇禎閒邑境有警邑民葛如栝偕其妹赴菜圃灌畦突有二騎至一騎挾女馬上女大詈如栝亟舍栝棹持鋤鉤騎者墜

德平縣志

卷十

祥異

一一一

天成謙記南紙店代印
濟南城內芙蓉街路西

斃之女號泣曰臂裾已汚於賊不復活矣以首觸鋤刃腦裂死俄有六七騎來攢射如栝身被數矢猶鋤揮奮擊遂死於賊如栝年十八妹年十六時稱雙烈

般上舊聞

乾隆閒賜百歲壽民趙琳詩以紀瑞詩云西川張氏西川古五代同堂夙詠箋賚彼二家示尙齒逮茲三事喜齊肩螽斯衍慶宮闈始燕翼綿禧寰宇駢壽世熙民宜賦詠或殊麟鳳詔祥篇